


大清會典


三十六





內閣文庫			
函	冊	號	類
二	一	一	漢
四	八	九	書
九	二	九	
一	四	九	

內閣文庫			
函	冊	號	類
五	一	一	漢
五	八	九	書
函	二	九	
一	四	九	

內閣文庫			
番號	漢	1899	
冊數	141 (36)		
函號	295	1	







大清會典卷之四十二

上尊號徽號儀

登極之初奉

聖祖母為

太皇太后奉

母后或

母妃為

皇太后則有上尊號禮。至國家有大慶典則有加上徽

號禮。或四字。或二字。遞進以極推崇之義。歷年

禮儀詳略各見並列於篇

禮部

淺草文庫

順治八年二月。躬親大政。上

聖母尊號曰

皇太后。上徽號曰

昭聖慈壽皇太后。前期一日。遣官各一員。告祭

天地

宗廟

社稷。內院禮部官先於

皇太后宮。設黃案一於丹陛正中。又設黃案一於

中和殿內正中。置滿洲蒙古漢字三體奏書於殿

中案上。奏請

皇上出宮陞

殿。閱奏書畢。內院大學士捧奏書前導。

上陞輿。至

皇太后宮門外。

上降輿。入宮門。於丹陛上東旁立。禮部堂官傳諭內

監。奏請

皇太后陞座。

皇太后御宮。樂作。陞座。樂止。大學士捧奏書於宮東旁

侍立。引禮官導

上至正中拜位立。鳴贊。官奏跪。

上跪。大學士捧奏書。於上左跪進。

上受奏書。恭獻訖。授右旁大學士。跪接。置案上。鳴贊。官贊宣奏書。滿漢大學士。蒙古侍讀。從案上捧奏書。次第宣畢。復置案上。鳴贊。官奏叩頭。

上行三跪九叩頭禮。畢。

上回東旁立。內監奏請

皇太后還宮。樂作。入宮。樂止。

上出。陞輿。還宮。○次日早。內院禮部官。赴

皇太后宮。設黃案一於丹陛正中。又設黃案一於左旁。

王以下。公以上。俱朝服。於

午門內序立。滿洲。蒙古。漢軍。民公。侯伯。都統。精奇。尼哈番。副都統。滿漢尚書侍郎等官。於

左翼門外序立。文武百官。於

午門外兩旁排立。

皇太后儀仗。全設於宮門前。

皇上鹵簿大駕。全設於

太和殿前。內院設綵亭二座。捧置冊寶。校尉舉亭。冊前寶後。內院禮部官導引。自內院起。由

太和門中道。至

太和殿前陳設。親王以下。公以上。在綵亭後隨進。

於丹墀內排立。禮部官奏請

皇上禮服出宮。陞

殿。閱冊寶畢。校尉舉亭。從中門出。內院禮部官前

導。

上陞輿。隨綵亭後。詣

皇太后宮。王以下。公以上。俱隨後行。至

左翼門齊集。各官俱跪。候綵亭

駕過起立。亦隨後行。至

皇太后宮門外。冊寶綵亭。於宮門外停止。

上降輿。入宮門。於丹陛東旁立。內監奏請

皇太后陞座。

皇太后禮服御宮。樂作。陞座。樂止。捧寶冊官各一員。於

綵亭內捧冊寶。由中道進。置左旁案上。引禮官

導

上至正中拜位立。王以下。公以上。在宮大門排立。民

公侯伯都統尚書以下。副都統侍郎以上。在宮

大門外兩旁。北向排立。班齊。奏跪。

上率王以下諸大臣皆跪。鴻臚寺官奏進冊寶。捧冊

寶官。從案上各捧冊寶。依次跪進

上左。

上受恭獻。授右旁官。跪接。置正中案上。鳴贊官贊宣册。宣册官從案上捧册跪宣畢。次贊宣寶。宣寶官從案上取寶跪宣畢。捧册寶仍置案上。四女官舉册寶黃案。置

皇太后宮門階上。鳴贊官奏叩頭。樂作。

上率王以下諸大臣。行三跪九叩頭禮畢。樂止。行禮時。由內接傳。凡在

午門外排班衆官。亦隨行三跪九叩頭禮。鳴贊官奏禮畢。

上東旁立。內監奏請

皇太后還宮。樂作。入宮。樂止。

上陞輿還宮。諸王衆官皆退。○又次日。

皇太后儀仗全設。公主王妃以下。郡君輔國公夫人。及民公都統精奇尼哈番尚書等官。命婦以上。俱朝服。齊集於

皇太后宮門外。分翼排立。隨從

皇太后女官。先進宮內。於

皇太后前行禮。次公主王妃等。及大臣命婦。皆進宮門內立。內監奏請

皇太后陞座。

皇太后禮服御宮。樂作。陞座。樂止。四女官引公主王妃等。及大臣命婦。前進行六拜三跪三叩頭禮畢。皇太后入宮。命公主王妃等。及大臣命婦。俱進宮內。

賜茶畢。衆皆出。是日。

皇上御

太和殿。諸王率文武百官。上表行慶賀禮。頒

詔天下。如常儀。○是年八月。大婚禮成。加上

昭聖慈壽皇太后徽號曰。

昭聖慈壽恭簡皇太后。前期一日。遣官告祭。併進奏書。

如常儀。是日。

皇上率諸王百官。於

皇太后前。獻册寶行禮。一應儀注。俱與前同。次日。諸王

大臣。於

皇上前。進表行慶賀禮。頒

詔天下。如常儀。是日。

皇太后儀仗全設。公主等先齊集於

皇太后宮。隨從

皇太后女官。先於

皇太后前行禮。王妃郡主以下。郡君輔國公夫人。及民

公都統精奇尼哈番尚書等官命婦以上。在左翼門外齊集。候

皇后出宮。陞輿。由

太和殿中左門出。至

左翼門。王妃等俱隨後。至

皇太后宮門外。

皇后降輿。率王妃等進至門內。奏請

皇太后陞座。

皇太后禮服御宮。樂作。陞座。樂止。

皇后率公主王妃等前進。四女官前引。行六拜三跪

三叩頭禮畢。

皇太后還宮。樂作。入宮。樂止。命

皇后公主王妃郡主等大臣命婦進宮。

賜茶畢。

皇后出。乘輿還宮。王妃等及大臣命婦。隨至

左翼門外。候

皇后進宮。衆俱退。○十一年。大婚禮成。加上

昭聖慈壽恭簡皇太后徽號。曰

昭聖慈壽恭簡安懿皇太后。一應儀注。俱與八年同。○

十三年。冊封

皇貴妃。加上

昭聖慈壽恭簡安懿皇太后徽號曰

昭聖慈壽恭簡安懿章慶皇太后。一應儀注。俱與前同

康熙元年。

皇上以嗣位改元。上

皇太后尊號曰

太皇太后。加上徽號曰

昭聖慈壽恭簡安懿章慶敦惠太皇太后。上

母后尊號曰

皇太后。上徽號曰

仁憲皇太后。上

母妃尊號曰

皇太后。上徽號曰

慈和皇太后。前期一日。遣官告祭。如常儀。不奏書。併免

行禮。是日。直班內大臣侍衛內院禮部官。俱朝

服齊集。內院設

太皇太后

兩宮皇太后冊寶亭六座。校尉舉亭。內院禮部官前引

太皇太后冊寶綵亭。至

太和殿正中陳設。

仁憲皇太后冊寶綵亭。設於東旁。

慈和皇太后冊寶綵亭。設於西旁。陳設畢。禮部官奏請
皇上禮服陞殿。閱冊寶畢。校尉舉亭。次第先行。

上乘輿隨後。內大臣侍衛內院禮部官隨
駕出右翼門。至

太皇太后宮門外。冊寶綵亭俱止。

上降輿。捧冊寶官。從亭內捧

太皇太后冊寶。進宮。置黃案上。禮部官導

上於丹陛正中跪。大學士捧冊寶跪進。

上受冊寶。併奏書。次第獻畢。大學士依次跪接。仍置

各案上。女官舉冊寶案進宮畢。

上出。陞輿。率內大臣侍衛內院禮部官。至

仁憲皇太后宮。次至

慈和皇太后宮。照前次第進獻冊寶畢。

上還宮。是日。

太皇太后

兩宮皇太后

皇上鹵簿儀仗。俱不設。諸王各官俱免朝賀。次日。行

進表禮。頒

詔天下。如常儀。○四年。大婚禮成。加上

昭聖慈壽恭簡安懿章慶敦惠太皇太后徽號曰

昭聖慈壽恭簡安懿章慶敦惠溫莊太皇太后。加上

仁憲皇太后徽號曰

仁憲恪順皇太后。一應儀注。俱與元年同。○六年。躬親

大政。加上

昭聖慈壽恭簡安懿章慶敦惠溫莊太皇太后徽號曰

昭聖慈壽恭簡安懿章慶敦惠溫莊康和太皇太后。加

上

仁憲恪順皇太后徽號曰

仁憲恪順誠惠皇太后。前期一日

皇上躬詣

太皇太后

皇太后宮。恭獻奏書。如順治八年儀。其餘一應儀注。悉

照康熙四年行。○十五年。以册立

皇太子。加上

昭聖慈壽恭簡安懿章慶敦惠溫莊康和太皇太后徽

號曰

昭聖慈壽恭簡安懿章慶敦惠溫莊康和仁宣太皇太

后。加上

仁憲恪順誠惠皇太后徽號曰

仁憲恪順誠惠純淑皇太后。一應儀注。俱與六年同。惟是日。

太皇太后

皇太后儀仗。俱陳設宮門前。○二十年。滇黔蕩平功成。

加上

昭聖慈壽恭簡安懿章慶敦惠溫莊康和仁宣太皇太后徽號曰

昭聖慈壽恭簡安懿章慶敦惠溫莊康和仁宣弘靖太皇太后。加上

仁憲恪順誠惠純淑皇太后徽號曰

仁憲恪順誠惠純淑端禧皇太后。前期一日。遣官告祭。如常儀。是日。

太皇太后

皇太后儀仗。全設宮門前。禮部鴻臚寺堂官預赴

太皇太后宮。

皇太后宮。各設黃案一於宮前丹陛正中。又設黃案一於

隆宗門外。又設黃案一於

中和殿內正中。大學士捧奏書。置匣內。由御道之

左。至

中和殿案前設

太皇太后奏書匣於正中。

皇太后奏書匣於東旁。稍後。預捧奏書出匣。陳設畢。禮

部堂官奏請

皇上禮服出宮。陞殿。至案前。北面立。閱奏書畢。仍置匣內。大學士二員。捧奏書。禮部堂官導引前行。上陞輿。由右翼門出。

皇太后奏書。暫設

隆宗門外案上。

上至永康左門。降輿。禮部堂官導捧奏書。大學士前

行。由

慈寧門中階入。至中門西旁東向立。禮部堂官導上由東旁上階。至丹陛上東旁立。禮部堂官傳諭內

監。奏請

太皇太后陞

慈寧宮座。

太皇太后禮服御宮。樂作。陞座。樂止。大學士捧奏書。進丹陛上東旁立。禮部堂官導

上請正中拜位立。鳴贊。官奏跪。

上跪。大學士捧奏書在左旁跪進。

會典卷四十二
十一
上受奏書恭獻。授右旁大學士。跪接。置正中案上。鳴贊官贊宣奏書。宣讀官由案上捧起。跪宣訖。仍置案上。鳴贊官奏叩頭。樂作。

上行三跪九叩頭禮。樂止。鳴贊官奏禮畢。上復原位立。內監奏請

太皇太后還宮。樂作入宮。樂止。

上出。陞輿。詣

皇太后宮行禮。禮部堂官導捧奏書大學士前行。至壽昌門西旁東向立。

上獻奏書行禮。一應儀注。俱與

太皇太后前行禮同。禮畢。

上還宮。○次日。禮部鴻臚寺堂官預赴

太皇太后宮。

皇太后宮。各設黃案一於宮前丹陛正中。又各設黃案一於左旁。又各設黃案一於門正中。

太皇太后

皇太后儀仗全設。

皇上鹵簿大駕。陳設

太和門前。王以下。入八分公以上。俱朝服於常朝處齊集。未入八分公以下。鎮國將軍以上。內大

臣侍衛都統精奇尼哈番滿漢大學士尚書等
官俱朝服於

雍和門外齊集文武各官俱朝服於

午門外齊集內閣禮部堂官設冊寶綵亭四座校
尉舉亭自內閣起由中路至

太和門內設

太皇太后冊寶綵亭於正中設

皇太后冊寶綵亭於東旁鴻臚寺官引王以下入八分

公以上至

太和門丹墀分翼排立禮部堂官奏請

皇上禮服鳴鐘鼓陞

太和門閱冊寶畢內閣禮部堂官捧置亭內校尉
舉亭次第前行

上陞輿禮部堂官前導詣

太皇太后宮作中和樂王貝勒貝子公等隨後行其冊

寶綵亭至

雍和門齊集諸大臣侍衛跪候綵亭

駕過隨行至

永康左門

皇太后冊寶綵亭暫設於

隆宗門外。

太皇太后冊寶綵亭。由中路前行。

上降輿。隨後行。至

慈寧門內丹陛上東旁立。大學士於亭內捧出冊寶。置門內所設案上。內監奏請

太皇太后陞

慈寧宮座。

太皇太后禮服御宮。樂作。陞座。樂止。大學士捧冊寶由中門進。設冊寶於正中案上。設紙冊寶於東旁案上。

上詣正中拜位立。王以下。公以上。在門內。大臣侍衛

在門外排立。鳴贊官奏跪。

上跪。王等諸臣皆跪。鳴贊官贊進冊寶。大學士由左旁案上。捧紙冊寶依次跪進。

上受恭獻。授右旁大學士。跪接。置正中案上。鳴贊官贊宣冊寶。宣讀官從案上捧紙冊寶。跪宣畢。仍置案上。四女官舉冊寶案。置宮門外正中。鳴贊官奏叩頭。

上行三跪九叩頭禮。王等諸臣。皆隨後行禮。其行禮時作樂。設御史於

慈寧宮門外。

永康左門外。

午門外。三處侍儀。其

午門外齊集各官。鴻臚寺官由內接傳。亦隨班行

禮。鳴贊官奏禮畢。

上復原位立。內監奏請

太皇太后還宮。樂作。入宮。樂止。

上出。陞輿。禮部堂官導詣

皇太后宮。恭獻冊寶。其禮儀與

太皇太后前行禮同。設御史於

壽昌門外。及羣臣班末。二處侍儀。禮畢。諸王大臣

出。仍各照常處齊集。候

上陞

中和殿座。內大臣侍衛內閣翰林院禮部都察院

詹事府及鴻臚寺執事官。行三跪九叩頭禮畢。

不贊

上乘輿出。陞

太和門座。王以下文武百官。進表行慶賀禮。頒

詔天下。如常儀。是日。公主王妃以下。縣君鎮國將

軍夫人以上。民公侯伯都統精奇尼哈番內大

臣大學士尚書等官命婦以上。俱朝服在
永康右門外齊集。其引禮前引後隨大臣命婦。俱
朝服在右翼門齊集。禮部引至
隆宗門。禮部堂官傳諭內監。奏請
皇貴妃等詣

太皇太后宮行禮。

皇貴妃

貴妃

諸妃。禮服陞輿。依次出

隆宗門。引禮大臣命婦前導。公主王妃以下。大臣

命婦等後隨。至

永康左門。降輿。入

慈寧門內丹陛上西旁立。引禮命婦傳諭內監。奏
請

太皇太后陞

慈寧宮座。

太皇太后禮服御宮。樂作。陞座。樂止。

皇貴妃等前進。

皇貴妃在左。

貴妃在右。

諸妃分左右立。稍後。率公主王妃以下大臣命婦。依次排立。行六拜三跪三叩頭禮。樂作。禮畢。樂止。

皇貴妃等復原位立。內監奏請

太皇太后還宮。樂作。入宮。樂止。

皇貴妃等出宮乘輿。引禮命婦前導。赴

皇太后宮行禮。與

太皇太后前行禮同。禮畢。

皇貴妃等還宮。公主王妃以下大臣命婦等皆退

尊封太妃儀

順治九年。尊封

太宗文皇帝二妃曰

皇考懿靜大貴妃。

皇考康惠淑妃。前期一日。遣官祭告

太廟。如常儀。是日。設黃幄二於

皇太后宮前。東西相向。設

二妃座於幄內。

大貴妃在東。

淑妃在西。設

二妃儀仗於御道丹墀內。

大貴妃儀仗在東。

淑妃儀仗在西。內院禮部堂官於

二妃座前各設黃案一。左旁各設黃案一。是日。皇上鹵簿大駕全設於

太和殿前。內院官置冊文於二綵亭內。

大貴妃冊亭在前。

淑妃冊亭在後。校尉舉亭。內院禮部官朝服。前引後隨。由御道進至

太和殿內。設

大貴妃冊亭於東旁。設

淑妃冊亭於西旁。俱南向。陳設畢。禮部官奏請

皇上具禮服。御殿。午門鳴鐘。作中和樂。

上陞殿閱冊畢。校尉舉亭。

上陞輿。率內大臣侍衛內院禮部堂官。由

左翼門出。至

二妃宮院前。設冊亭於門外。

上降輿入。內監奏請

大貴妃

淑妃陞座。

二妃各具禮服陞座。大學士二員。捧冊由中道進。置

左旁黃案上。禮部堂官導

上至行禮處立。內大臣侍衛。在宮門外丹墀排立。鳴贊官贊進冊。大學士從左旁黃案上。捧冊次第跪進。

上立受獻訖。授右旁禮部堂官二員。以次跪接。置二妃座前黃案上。鳴贊官贊宣冊。先宣

懿靜大貴妃冊。大學士從案上捧冊。跪宣滿洲蒙古漢字三體冊文畢。仍置案上。次捧

康惠淑妃冊。照前跪宣畢。四女官舉冊案。進

二妃座前。鳴贊官奏行禮。

上於

二妃前。共行三跪九叩頭禮。內大臣侍衛於宮門外隨行禮。鳴贊官奏禮畢。

上轉立東旁。內監奏請

二妃還宮。

上出。陞輿。樂作。還宮。樂止。是日。諸王各官不齊集。公主王妃以下大臣命婦不行禮。○次日。行慶賀尊封

大妃禮。

皇上鹵簿大駕。全設於

太和殿前。王以下文武官員。俱朝服。在常朝處齊集。禮部堂官奏請

皇上陞殿。

上具禮服。御

中和殿。陞座。內大臣侍衛內院禮部都察院鴻臚寺各執事官。行三跪九叩頭禮畢。不贊王貝勒等由

太和門兩旁入。文武各官。由

午門兩掖門入。齊集

太和殿前。王以下。公以上。在

丹陛上。文武各官。在丹墀下立。

上御太和殿。陞座。作中和樂。鑿儀衛官贊鳴鞭。丹墀下三鳴鞭。鳴贊官贊排班。贊進贊跪。王以下文武各官。行三跪九叩頭禮。鳴贊官贊退。眾退立原班。諸王在

太和殿內。貝勒以下文武各官。在丹墀內。

賜坐。

賜茶。俱行一叩頭禮畢。贊鳴鞭。丹墀下三鳴鞭。作樂。上還宮。樂止。眾皆出。○十八年。上

皇祖妃爲壽康太妃。用金冊寶。并儀仗等項。行尊封禮。

會典卷四十二
三十一
前期一日遣官祭告

太廟如常儀。是日內院禮部官捧冊寶置黃案上。禮部
執事人員舉送至

太妃宮門前。女官捧冊寶轉奏

太妃受冊寶訖。儀仗交內鑾儀衛存貯。其各項禮儀
俱停止

康熙十二年尊封

世祖章皇帝四妃曰

皇考恭靖妃。

皇考淑惠妃。

皇考端順妃。

皇考寧懋妃。一應儀注俱與順治九年同

大清會典卷之四十二



會典卷四十二

三

皇朝通志卷之四十二
皇朝通志卷之四十二
皇朝通志卷之四十二

